

समा. 09.20 Hrs

Headlines

1. खराब मौसम करी 6एं दिनें तगर आरजी तौरा पर बंद रौहने मगरा श्री अमरनाथ जी यात्रा अज्ज परतियै शुरु। जम्मू थमां श्रद्धालुएं दा 18मां जत्था बालटाल लेई रवाना, त्रंऊ दिनें तगर बंद रौहने मगरा जम्मू-श्रीनगर राश्ट्रीय जरनैली सिड़कै पर गड़्डियें दी आओ-जाई परतियै शुरु।
 2. मुखमंत्रि उमर अब्दुल्ला होरें जम्मू-कश्मीर दे पैहले अंतराश्ट्रीय फिल्म महोत्वस कोला पैहले “परदा गोआड़” रस्म गी अंजाम दिता।
 3. सरकार नै बिजली सप्लाई गी मजबूत करने लेई कठुआ ग्रीड स्टेशन दे विस्तार गी मंजूरी दिती।
 4. ई.डी नै जम्मू-कश्मीर ते पंजाब च नशीले पदार्थ दे कारोबार ते आतंकवादियें बश्कार संड-गंड आले मामले च 9 थाहरें पर छापेमारी कीती ते नुंजा लक्ख रपे दे बैंक खाते सीज कीते।
 5. ते श्री मचेल माता यात्रा खराम मौसम दे चलदे 27 जुलाई तगर स्थगित कीती गई।
- डी.सी. किशतवाड़ होरें आखेआ जे सब्बनैं श्रद्धालुएं लेई ऑनलाईन पंजीकरण ते RFID लाजमी ऐ।



SANJAY Resumes

ખરાબ મૌસમ દે ચલદે 6૯ં દિનેં તગર સ્થગિત રૌહને મગરા સાલાના શ્રી અમરનાથ જી યાત્રા અજ્જ જમ્મૂ થમાં પરતિયે શુરુ હોઈ ગેઈ એ। અધિકારયેં દસ્સેઆ જે 6 જ્હાર શા મતે શ્રદધાલુ

भगवती नगर आधार शिविर थमां घाटी च बालटाल बेस कैम्प लेई रवाना होए। 19 जुलाई गी जम्मू-कश्मीर च लगातार बरखा ते खराब मौसम दे चलदे सुरक्षा गी ध्यानै च रखदे होई यात्रा गी आरजी तौरा पर रोकी दिता गेआ हा। अधिकारियें दस्सेआ जे 18में जत्थें च 6 जहार 2 सौ नत्तर श्रद्धालु अज्ज जम्मू थमां रवाना होए जिंदे चा इक जहार 470 महिला, 25 बच्चें ते चरंजा साधु शामिल न। एह जत्था 223 गड्डियें दे काफले च सख्त सुरक्षा बंदोबस्तें हेठ छड़ा बालटाल आधार शिविर लेई रवाना होआ।

<><><><><><>

NHW Reopens

रामबन जिले दे केई हिस्सैं च बड़्डे पैमाने पर पुर्नबहाली आले कम्मै दे बाद जम्मू-श्रीनगर राष्ट्रीय जरनैली सिड़क (NH-44) पर गड्डियें दी आओ-जाई परतियें शुरु होई गई ऐ। अधिकारियें दौनें पाससै दा सिड़कै थमां मलबा हटाने आला कम्म शुरु कीता हा कीजे पस्सियां पौने करी दौनें बक्खी दा गड्डियें दी आओ-जाई बंद होई गई ही ते जरुरी चीजें-बस्तें गी लेई जाने आली केई सारी गड्डियां ते ट्रक बता फसी गेदे हे।

<><><><><><>

CM-IFFJK Curtain Raiser (Byte)

मुख्यमंत्री उमर अब्दुल्ला होरें आखेआ जे जम्मू-कश्मीर, फिल्म उद्योग कन्नै अपने ऐतिहासिक सरबंधें गी परतियें कायम करने लेई तैयार ऐ। उनें इस गल्लै पर जोर दिता जे जम्मू-कश्मीर दा पैहला अंतराष्ट्रीय फिल्म महोत्सव, घाटी गी इक लोकप्रिय फिल्म निर्माण केन्द्र दे रुपै च स्थापित करने ते इसी आलमी स्तह पर फिल्म निर्माण दे क्षेत्र च इक टकोहदी पंछान हासल करने च मदद करोग। श्रीनगर च जम्मू-कश्मीर दे पैहले अंतराष्ट्री फिल्म महोत्सव 2026 दी

शुरुआत कोला पैहले मुख्यमंत्री उमर अब्दुल्ला होरें “परदा गोआड़” रस्म गी अंजाम दिता। उमर अब्दुल्ला होरें कश्मीर दे सिनेमा कन्नै मजबूत सरबंधें गी चेता करदे होई आखेआ जे इक समां हा जिसलै फिल्म शूटिंग दी पैहली पसंद कश्मीर गै हुंदा हा। उ’नें गलाया जे एह उत्सव जम्मू-कश्मीर दी सगगोसार संस्कृति गी उजागर करने ते मकामी नौजवानें दे हुनर गी सशक्त बनाने च महत्वपूर्ण साबत होग। मुख्यमंत्री होरें आखेआ.....(Byte)

<><><><><><>

Kathua Grid Stn.

जम्मू-कश्मीर सरकार नै कठुआ ग्रिड स्टेशन दा दर्जा बधाने लेई मंजूरी देई दिती ऐ-जेहदे कन्नै एहदी क्षमता 3 गुणा 50 MVA थमां बधियै 4 गुणा 50 MVK होई जाहग। एहदे कन्नै जुड़े दे ढांचागत कम्में दे विकास लेई तकरीबन 15 करोड़ 22 लख रपे दी अंदाजन लागत औग। इस परियोजना दा मकसद खिते दे बिजली सप्लाई सरबन्धी ढांचे गी होर मजबूत करना ऐ, तांजे बिजली दी बदधी मंग गी पूरा कीता जाई सकै ते बिजली प्रणाली गी होर मता भरोसेमंद बनाया जाई सकै। एहदे कन्नै ओवरलोड गी घट्ट कीता जाई सकोग ते कठुआ ते आले-दोआले दे इलाकें च लोकें लेई बिजली दी सप्लाई दे म्यार च सुधार कीता जाई सकै।

<><><><><><>

Rana –Nandi Chool (Byte)

जलशक्ति मंत्री जावेद अहमद राणा होरें पुंछ जिले दी तहसील मंडी दे दूर-दरेडे नंदी-शूल इलाके दा दौरा लाया ते हाल च पस्सियां पौने करी ते चानचक्क हाईं करी प्रभावित परोआरें कन्नै मलाटी कीती जेहदे च केई लोकें दी जान चली गई ते होर बड़ा मता नुकसान पुज्जा ऐ। मंत्री होरें इस मौके सौहगी परोआरें कन्नै मलाटी कीती ते उन्दे दुख-दर्द गी सुनेआ। उ’नें प्रभावत

परोआरें गी एह भरोसा दोआया जे इस मुश्कल समें च सरकार उन्दे कन्नै खड़ोती दी ऐ। मगरा मीडिया कन्नै गल्लबात करदे होई मंत्री राणा होरें आखेआ.....(बाईट)

<><><><><><>

ते हुंन बाकि दिएं खबरें कन्नै जगमोहन शर्मा:-

<><><><><><>

E.D. Searches

माली नियम कायदे लागू करने सरबन्धि निदेशालय ई.डी.दे जम्मू आहले सब-ज़ोनल दफ्तरें जंदे रोज जम्मू-कश्मीर ते पंजाब च कैई थाहरें छापेमारी कीती। एह छापेमारी वीरवारें, पैहे दे गैर-कन्नूनी लैन-देन पर रोक सरबन्धि 2002 बरे आहले कन्नून तैहत, जम्मू-कश्मीर ते पंजाब पुलिस कश दर्ज मामले दे सिलसिले च कीती गई ऐ। एह जांच नशीले पदार्थ दे कारोबारिएं ते आतंकवादियें बश्कार संड-गंड कन्नै जुड़े दे मामले दे सिलसिले च कीती जा'रदी ऐ। जारी इक प्रैस विज्ञप्ति मुजब जांच च पता लग्गा ऐ कि पंजाब ते जम्मू-कश्मीर च बड्डे पैमाने पर आतंकवाद लेई रपेया पैहा उपलब्ध कराने लेई नशीले पदार्थ दे धंधे दा इस्तमाल कीता जा' रदा हा, जेहदे च कैई सतहें पर बक्ख-बक्ख लोकें दी शमूलियत कन्नै बकायदा इक बड्डे गिरोह आहला लेखा एह कम्म कीता जंदा हा। एहदे च पंजाब च रौहने आहले हैंडलर सतनाम सिंह ते मनजीत सिंह उर्फ मान ते कश्मीर घाटी दे कुपवाड़ा जिले च नियंत्रण रेखा कन्नै लग्गदे इलाके दे बसनीक सफीर अहमद ते कतील अहमद शामिल हे। छापेमारी दौरान किश बैंक खातें बी फ्रीज कीते गेन, जिंदे च 49 लक्ख 90 जहार रपे जमा हे।

<><><><><><>

Machail Yatra Deferred (Byte)

किश्तवाड़ दे डिप्टी कमीशनर पंकज कुमार शर्मा होरें जानकारी दिती ऐ जे “श्री मचेल माता यात्रा-2026” जेहड़ी अधिकारिक तौरा पर अज्ज शुरु होनी ही- खराब मौसम दे चलदे 27 जुलाई धोड़ी अगड़े पाई दिती गेई ऐ। डी.सी. होरें आखेआ ऐ जे यात्रा, जिला प्रशासन आसेआ मौसम ते सुरक्षा दा पूरी चाल्ली कन्नै मुआयना करी लैने दे बाद गै शुरु कीती जाहग। उआं उ’नें आखेआ जे मंदरें दे पवितर कपाट अज्ज गै खोल्ले जा’रदे न। डी.सी. होरें गलाया जे यात्रा 28 जुलाई गी शुरु कराने दी मेद कीती जा’रदी ऐ पर ओहदे शा पैहले मौसमी हालात दे पूरी चाल्ली हर पैहलू पर जांच करियै गै यात्रा ब्हाल करने दा फैसला लैता जाहग। उ’नें आखेआ.....(बाईट)

<><><><><><>

Weather (Byte)

मौसम विभाग नै जम्मू-कश्मीर च अज्जै थमां 27 जुलाई धोड़ी अद्दे-दुब्बे तौरा पर बदल छाए दे रौहने ते प्रदेश दिएं टामीं-टामीं थाहें पर हल्की बरखा बरने दी पेशनगोई कीती ऐ। एहदे परेंत 28 थमां 30 जुलाई धोड़ी परतियै बरखा बरने दे इमकान दस्से गे न। प्रशासन नै लोकें गी सलाह दिती ऐ जे ओह सौहगे-सतर्क रौहन। होर मती जानकारी कन्नै मौसम विभाग दे डरैक्टर मुख्तार अहमद(बाईट)

<><><><><><>

Prog. Announcement

आकाशवाणी दे प्रादेशिक समाचर एकांश जम्मू आसेया “करगिल विजय दिवस” दे सरबंध्य च- औंदे ऐतवारें 30एं मिन्टें दा इक विशेष कार्यक्रम प्रसारित कीता जाग- जेदा विषे होग- “नमन ते सम्मान”. 26 जुलाई गी दपैहरी ढाई बजे प्रसारित होने आहले इस कार्यक्रम च स्थाड़े परोहने

होगंन- भारती सेना दे पूर्व कर्नल आर.के शर्मा- जेहड़े इस विशे पर अपने माहिराना विचार सांझे करगंन। इस कार्यक्रम दी मेजबानी साहड़ी न्यूज एंकर श्रूति खजूरिया आसेया कीती जाग।

<><><><><><>